

**CONVENIO DE COLABORACIÓN ENTRE A XUNTA DE GALICIA E R
CABLE Y TELECOMUNICACIONES DE GALICIA, S.A.U. PARA O
DESENVOLVEMENTO DO PROGRAMA DE ACELERACIÓN
TECNOLÓXICA “DICO CHALLENGE BY STARTUPS_R” NO MARCO DO
PLAN DE IMPULSO AOS CONTIDOS DIXITAIS EN GALICIA (DICO
MINDSET)**

MEMORIA XUSTIFICATIVA

D. José Luis Somoza Digón, Xerente da Axencia Galega para a Modernización Tecnolóxica de Galicia, **DECLARA:**

Que, a Xunta de Galicia, a través da Axencia Galega para a Modernización Tecnolóxica de Galicia (Amtega) e a Fundación da Cidade da Cultura de Galicia (FCCG) pretende formalizar con R Cable y Telecomunicaciones de Galicia, S.A.U. (R CABLE) o instrumento convencional arriba referido por un período de vixencia ata o 31/12/2019.

Que o instrumento convencional ten por obxecto sentar as bases da colaboración entre a Xunta de Galicia e R CABLE para o deseño, desenvolvemento e lanzamento da iniciativa “Startups_R” que establecerá actuación nos seguintes ámbitos:

- Creación e dinamización dun espazo denominado “Startups_R”, con sede en Santiago de Compostela nas dependencias dos edificios xestionados pola Fundación Cidade da Cultura de Galicia.
- Establecemento e impulso do programa “DiCo Challenge by Startups **R**” coa finalidade de apoiar proxectos de emprendemento desenvolvidos por emprendedores, pemes de recente creación , empresas consolidadas e outras entidades con propostas de valor relacionadas co ámbito dos contidos dixitais en Galicia.



Que existe converxencia de intereses entre as entidades asinantes en orden á consecución do obxecto referido.

Que o instrumento convencional fundaméntase no seguinte.

A Amtega ten, entre outras competencias e funcións, a dirección e xestión de todas as actuacións da Xunta en materia de tecnoloxías da información e as comunicacións e o deseño e liderado de iniciativas que contribúan a impulsar o desenvolvemento da Sociedade da Información en Galicia, garantindo os dereitos da cidadanía e eliminando as barreiras que se opoñan á expansión e ao uso das novas tecnoloxías.

A FCCG ostenta a titularidade da “Cidade da Cultura de Galicia” (CdC), Dita entidade foi constituída o 27 de decembro de 1999, mediante escritura pública outorgada ante o Notario de Santiago de Compostela, José Antonio Montero Pardo, co número 2825 do seu protocolo. Está constituída como “organización de natureza fundacional, de interese galego, sen ánimo de lucro, cun patrimonio afecto de maneira duradeira á realización dos fins de interese xeral propios da Institución”. Esta Fundación forma parte do sector público da Comunidade Autónoma de Galicia. Na actualidade está adscrita á Consellería de Cultura, que exerce o seu protectorado e cuxo conselleiro ostenta a presidencia do Padroado, órgano reitor máximo da Fundación. Segundo o artigo 6 dos estatutos constitúe o seu obxecto social “a creación, explotación e promoción de áreas ou centros de conservación, produción, exhibición e consumo cultural, comunicativo e tecnolóxico, que constitúa un espazo multifuncional, multidisciplinar e aglutinador, propicio á interacción cultural”.

R CABLE integrada no grupo de telecomunicacións Euskaltel, é o operador galego de telecomunicacións por fibra óptica que ofrece a fogares e empresas servizos de datos, televisión e telefonía. Nos seus ámbitos de actividade, R CABLE está a desenvolver propostas de valor innovadoras coas que solucionar as necesidades de comunicación e de xestión da información dos seus clientes e, máis en xeral, contribuír coas



tecnoloxías da información e a comunicación ao desenvolvemento económico e social de Galicia. Neste contexto, unha das liñas estratéxicas de innovación de R CABLE son os denominados contidos dixitais e as solucións tecnolóxicas necesarias para crealos, arquivalos e distribuílos, posto que son estes contidos dixitais o que, en último termo, demandan os usuarios de datos, televisión e telefonía da compañía e o que permite, en potencia, a aparición de novos modelos de xeración de valor.

A Axenda Dixital de Galicia 2020 establece entre os seus obxectivos, promover o liderado de empresas que a través da incorporación das TIC, tanto nos procesos internos como de negocio, garantan a creación e absorción de talento e innovación para xerar novas oportunidades e promover así a atracción e o crecemento económico na Comunidade, así como impulsar a innovación tecnolóxica, competitividade e xeración de emprego no ecosistema dixital que contribúan a posicionar ao sector tecnolóxico coma un dos sectores de referencia de Galicia.

Para contribuír á consecución dos obxectivos establecidos na Axenda Dixital, a Amtega definiu o Programa ViraxeTIC co fin de apoiar a aceleración do desenvolvemento e competitividade do sector de contidos dixitais como baluarte do crecemento económico e social vinculado á economía dixital.

Neste senso, como unha das liñas de traballo para o impulso de actuacións no marco do Programa ViraxeTIC xurde o “Plan de acción para o impulso aos contidos dixitais en Galicia, DiCo Mindset”, aprobado no Consello da Xunta de Galicia o 1 de marzo de 2018, co dobre obxectivo de: (1) impulsar a modernización e innovación tecnolóxica do sector de contidos dixitais, e por ende, contribuír a afianzar os piares fundamentais nos que se asente unha mellora da competitividade determinando a perspectiva do sector, tendencias e casos de referencia dende a perspectiva da evolución tecnolóxica; e (2) dinamizar a xeración e posta en marcha de proxectos para a transformación dos sectores produtivos de Galicia, aproveitando ao máximo as oportunidades que brindan as novas



tendencias tecnolóxicas con base nos contidos dixitais para reforzar a súa competitividade e mellorar o seu posicionamento a nivel nacional e internacional.

Con data 23/07/2013, R CABLE asinou o Protocolo de colaboración para a cooperación entre a Xunta de Galicia e o Sector TIC para o desenvolvemento Dixital de Galicia. Devandito Protocolo ten por obxecto establecer un compromiso de cooperación firme entre a Xunta de Galicia e o Sector TIC para converter ao sector da economía do coñecemento nun dos motores da economía de Galicia no período 2013- 2020 e, desta forma, lograr un desenvolvemento dixital en Galicia que contribúa ao crecemento económico e sustentable da rexión e que permita a creación de emprego, o incremento da competitividade das empresas e a súa internacionalización e a mellora da calidade dos servizos.

A Xunta de Galicia e R CABLE están interesadas en impulsar actuacións que contribúan a fomentar a creación de contidos dixitais orientados a un mercado global e que se atopen caracterizados polo seu efecto arrastre no sector, na innovación, así como no desenvolvemento de novas tecnoloxías no sector dos contidos dixitais.

Tendo en conta o anterior, as partes asinantes manifestan a súa vontade de colaboración e con tal finalidade acódese a un suposto de “colaboración entre unha Administración Pública ou organismo ou entidade de dereito público e un suxeito de Dereito privado” regulados polos artigos 47 e seguintes da Lei 40/2015, do 1 de outubro, de Réxime Xurídico das Administracións Públicas.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o instrumento convencional que se pretende asinar, con exclusión doutras figuras.

E para que conste, asíñase esta memoria, en Santiago de Compostela,

